



**Editorial**

Kô khophi Assembly sôh Audit eima patlô haw. Kô hrozy hlâta tla pahnai hlei vei. Assembly nôpawzy no-âh ama ta chy. Ama hmiaphaozy mopa ta alyna mothlih a loh daihmapa ama lyu chy. Local thokha hyutuhpazy phone ta bie ei vaw chho ei. Ei na vaw chhyna cha “Macha bia chy ta eima sahlaozy, Covid daihti châta, sôh he vaw thao pha ma y tahpa eima pasyu chyuna, nama thlahzo kha se, Khazohpa nata Awnanopa nama hnohta eima yna tahpa ei na vaw chhy ei. September hâta hmiatuapa liata, Matupi la khiih ei tly. Finance Secretary ta pati nie miah aw, suhrawh sukha he vaw pangia chy ei ta, officer pakha ta a reipa cha” Covid daihti châ ta, keimo khihpi local churchzy he eima tiama vei khiah pha thai aw vei tahpa vâta sôh eima pangia chatlie khoh kaw eina tah. America tawhta Rev. Chô u, Mission sôh chhaota dollar 50000/- eima cha vaw paphao, nama thlahzo kha se. Eima vaw tiama lyma aw tahpa ta thlah palôhna bie eina vaw chho. Matupi Local ta Local grant 40% a lâ eita, Assembly tovyuh cha akipa ta eima ku lia miah vaw hlâ ei ta hriatuhpazy hlaio nama daihty leina awpa ta va phao lai ma y” tahpa bie ei na chho ei. Kô khophi audit lia sôh eima tla pahnai lei chhana asiapa ta ei vaw pahno haw. Awnanopa ta khâpa ma ei na taopa aw tah lei khâh ei ta, Awnanopa châta khapa ei tao thei aw tahpa he ama thlahchhana a châ via. Pastor zy he Awnanopa ta ama chakao awpa châ lei kha pi ta Awnanopa a chakaotuhpa eima chhânazie chhao tha ta miah a pahmosa hra.

**MEC ta Nebulizer Lialaiپی thohna o liata pie**

October 4,2020 (Sunday) noh liata Mara Evangelical Church vyuhpa ta Rev. Victor Ve u, Moderator nata Rev. Dr. L. B. Siana, General Secretary ta Lialaiپی Station Hospital hnohta Dr. Aung Myo Thu ku liata hropachhana husona (Ultrasonic nebulizer) hlâna a hnei. He hropachhana husona thohna o to liata y awpa a peimawhpa a châ. Lialaiپی thohna o deikua he oxygen husona chhaichhi phapa ama hnei leipa ta he peimawhna he pahnokhei ta Mara Evangelical church ta he hawhta a vaw hlâpa a châ.



**Moderator Matupi Local tlyna**

September 10-17 chhôn Moderator nata Macha Zasaw Matupi Local ama tlyh. Zawpi apakhypazi thai a châ leipa vâta, machhiesapa chhônkhazy vaina ama hnei.

**Pupa Mauke chhônkhya vaina**

Pupa Mauke kô 52 he Chakhaipa, Matupi lia khiih asapa a châ. Lâlai lia pheii ta a hlaio nga nota bike ta a py ama su haw. Bike asutuhpa he ahyma? tahpa hiahri ei ta a pahno tarawpa ta pahno vana tahpa ta khâcha a rei haw. Matupi thohna o tawhta Pakokku lâ a râ kheii ei ta, tlâh thei khao leipa ta a vaw pahâ haw. Ari ama kaw tlôkheii zâ ta a su tlamaw tuhpa chhônkhazy ta “keimo eima cha” tahpa a vaw phuah ei ta ngiathaina ama vaw haw. A pihnaizy ta “Ano pohpa cheingei a rei khoh leipa a châ, ngiathai chieh-pa a châ vâta keimo chhao eima cha ngiathaina” ama tah. Zisu Krista moh a rôhna hmeiseih.

**Pupa Hla Toe chhônkhya vaina**

Pupa Hla Toe he Barmapa a châ. Pheisai အရာခံစိုလ် pensioner a châ. Lapi hmiatuapa a râsai vâta Lialaiپی zuah nata ama hnei. Kri vaw zy h ta MEC ta bati apiepa a châ. Saw hnei rairipa ta chhônkhya apaduapa châ ei ta, chahrasala ama zydua châta Paw pha ngâs apa chata,

ady ary ngâsâpa chhôhkha ama châ. Athi noh he rônah kaw ta a viasa pheisaizy ta ano hawhta thi awpa he byuh a chhi kaw tahpa ta ama reih hôlô. Khazohpa moh arôhna hmeisei.

### **Chapy Local liata buakha**

Matupi tawhta Chapy Local lia zâpati eima vaw nie Local nôpawzy, KNP luhpazy ta, miah ama hlâdy. Pastor quarter thiehpa, Pastor thiehpa, achhyna o thiehpa saita a châ vâta a ly kaw eita, Pastor quarter thieh dichipa liata hmia kai ngâsâpa ta Khazohpa palyupalihpa ta zâpati eima nie.

### **Mission Department**

Mara Awnanopa ta a pasô kawpa noh nata thla cha September (Thlarâh) thla he a châ. Khizaw liata Zisu a vaw pihna thla nata noh December 25<sup>th</sup> he khizaw lâ liata thâtihipha a vaw tlôna thla nata noh a châ hawhta, December thla chhao eima pasô kaw. Cha hawhta Mara râh liata thâtihipha a vaw tlôna thla nata noh September 26<sup>th</sup> chhao he pasô kaw pi ta, thla chhao eima pasô kawpa ta Awnanopa zydua apahra-na thla he eima hmâ tyh. Atakô liata cha Covid-19 vâta apahrana September he achhyna o lia tazy otlâh achuna liata zy a vaw hmâ thai khao vei hra ei sila, Loudspeaker ta thâtihipha tlâhawna, chhôhto ahmâna nata chakaona vâta eima chhôhkha to ta, eima Khazohpa lâta eima vaw hra, tha eima vaw patlôna tiao a vaw cha hri. Eima sôh thyuna Mission châta thapasana chhao kô hropa hlâta a vaw pôh via awpa eima hnabeseih. Keimo nata eima chhôhto ABeipa lâ tha a patlô ei sila, a pahra ei suh u'.

### **September Apahrana Saipazina**

September thlachhôn liata apahrana program nata Mission chakaon daihti via chaipa ta hmâ lymapa a châ. Atakô liata Apahrana Guide bu nata thâtihipha tlôna liata zawpi ao reikâh eima vaw theipazy cha.

### **Apahrana ao reikâh**

- Atakô Apahrana bu he athaona tawhta achhana taihta chhôhkha lia vaw rei thei pita eima thôhkhei hmeiseih (Mal Htwe. Rev. Mathao sawchanô, Ygn)
- Apahrana châbu he ei (2) tlai vaw rei khai haw nata eina palysa hmeiseih. (Pihnô Mahlai, Rev. Pahmo Lapinô, ygn)
- Apahra bu ei ku chô a vaw tlôpa ta nata athaona tawhta a chhaina taih ei rei tua. Achuna 16 liata Nathanael thâtihipha vaw rei daihti lia cha, “Khazohpa eima thlachhana miah a thei thlana” tahpa bie ei vaw hmô cha ei ly thei dâh paleih ta rei thai khao vana! (Mch. Situ Htp Lialaipei V)
- **Thâtihipha Tlô Noh (Sept. 26)**  
Local mia (11) tawhta thâtihipha eima vaw pakhy thei chypa cha Thâtihipha Tlô Noh liata sôh Ks. 7038168

a châ. Kôhro hlâta eima pha viapa haw hnabeseihpa a châ.

### **MEC Office Sabawngpi**

MEC office, Sabawngpi liata hriatuhpazy (Staff) cha Awnanopa raihria chakaona liata athlazie via thei nawpa ta nata chhâ nata ahmiepa ta ama chakao thei nawpa ta September thla tawhta Computer achuna hnei ngapa a châ. Microsoft Excel hmâna dâh a chu viapa châ ta, a vaw y awpa kôzy liata cha sôh avaona zy chhao computer system ta a vao thei bâ awpa ta eima beiseih.

### **MEC Office Lailenpi**

MEC Office Lailenpi liata hriaruhpazy nata MMM saku liata pachutuhpazy cha eima raihria chakaonazy hmasie via thei nawpa ta Computer achuna hneipa a châ. Computer chhâ a châpa hawhpa vâta staff capacity building cha September thla tawhta pathaopa ta achuna hnei haipa a châ.

### **KTP Department**

Local KTP liata sôh avaona â thlazie via thei nawpa ta KTP Department tawhta “Local KTP sôh avaona dâh” tahpa châbu pachhuanpanohpa châta Local KTP thokhazy lâta pachuna hnei ngâpa a châ. 12 August 2020 liata Sabawngpi, Immanuel, Sabyhpi (V), 23 August 2020 liata Lialaita New, Lialaita Old, 5 September 2020 liata Lialaipei (A), Lialaipei Vaihpi L.Stationzy pachu chypa châ ta hmialâ daihti ryhpao viana liata Local KTP to lâ chhao achuna hnei pazao lyma awpa ta thlah eima chha nga.

Ei (34)na KTP Central Conference ryureina hruana cha October thla liata châ vaw pua aw ta, November thla thaona Mailing liata Local KTP to lâta paphaopa a châ aw. Atahma hlâ Myanmar râh liata Covid-19 hri cha einona ti chatlaopa hawhta vaw sie heih ta, pha viana hlâta paru viana lâta a châ hawpa vâta a vai pha via lyma awpa a byuh haw. Chavâta KTP sahlaoy zy Covid-19 avaihna liata sawhkha nata VCPCzy reingia ngâsâpa ta Covid-19 avaihna raihria (Gate liata duty na hpz) liata khihtlâh ku nata pheih châ pha chyu awpa ta Krista mohta ahawna eima cha hnei ei!

### **Pihnô Pawmai (USA) Mission châta Dollar 16000 a pie.**

Yangon MEC Hyutuhpa ta kô varôpi a vaw chakaopa, Macha Teihra (Late) sawchanô, Pihnô Pawmai nata a chhôhkha (USA) ta Mission châta Dollar 16000, MMK ting 200 he Mission châta thla a vaw chha. Dollar 10000 he hriatuhpazy hlao cha thei sala dollar 6000, he charia vâta rietheipazy ku la na piepa thei bei muh vy tahpa miah a vaw haw. Thlarâh thla he Mara phopi châta eima râh Thatihpha a vaw tlô thla châ ta, chavâta Awnanopa ta a pahra thla ta a hmâh tyh. A pahra

heta Mission chakaona he anua chaipa a châ. Cha hawhpa thla liata he hawhta MEC Mission chakaona châta ku riaphapa ta sôh hluphi ama vaw piepasaipa he palaikhei pita, Khazohpa byhnâ ama to via rili awpa ta thlah eima chhâkhei.

### **Myuthieh ahneina Yru**

Aizawl khih liata St. Lalruatlela nata Laisa Lalruatleli myuthie ahneina pathaihpâ cha Coid-19 vâta yru kawpa ta ahmâpa a châ. Covid-19 daihti châ ta ama vaih lia cha Covid-19 hri ohpa he hmô papupa a châ. He vâta amo kyhchhi he myuh nata myuthieh, ama viasazy, kupatusatuhpa pastor nata Cameraman ama zydua mo 6 ta taopa a châ. Ama nôpaw nawh dâdei ama hlao leina chhapa he ama vai lia hri a hneipa ta ahnia a hnao haw vâta thohna o la liata test pataosa awpa ta awpa cha haw vâta a hlao thei hra va ei. Zawpi chhao ta rôhna kawpa ta ky achhi theipa chhôhkha ama châpa chhao ta, he hawhta ama vaih liata hrizy avai phana thei nawpa ta yru a chhih kawpa ta kyhchhina tao hra ei sala, ama vaih lia khi ama salâhpazy ta “kyhpachâna dopa ahlaopa ta myuthieh kyhchhina” tah ei ta ama lykhei chy. Covid-19 daihti liata ahneina kyhchhi atao awpazy châta amopâtlâh ama châ kaw.

### **September chhôn liata miah apahasaipa chhôhkha zy châta thlahchhakhei awpa**

1. Pupa Zô U (Khaizathapaw, Kô 59), Lailenpi (A) cha high school clerk paisai châ ta kô varôpi chieleipa ta y ta chhôkha sanawhzy hnôhchhupa ta Sept. 7, 2020 noh liata taotuhpa Khazohpa hnohta miah siesai haw.
2. Pupa Mauke (Thâtihpapaw, kô 52), Chakhai khipua Matupi liata khih asapa cha, lâlai lia â hlai nga hai nota Bike ta a pypi su haw eita, Pakokku thohna o ngai khe taraw ei ta, tlâh thei khao leipa ta Sept. 10, 2020 noh miah â paha haw. Ari he Matupi liata pabupa a cha.
3. Pupa Hei U (Chhahe paw), Kô 90, Lialaipei Vaihipi cha a chha a palopa ta Sept. 15, 2020 noh liata he khizaw rietheina tawhta chhazaw pahâna su lâta miah siesai haw.
4. Htn. Khaiza E (Hnainô), kô 3, Meisakotlah cha Sept. 16, 2020 noh liata chhôkhazy siesai-pa ta taotuhpa Khazohpa lâta mia siesai haw
5. Pupa Paihmô, Sabawngpi cha Sept. 18, 2020 noh ta chhôhkha sawnawh zydua cha siesai-pa ta chhâzaw pahâna suh lâta mia siesai haw.
6. Ht. Aungko Oo, kô 13, py (6) cha Sept. 19, 2020 noh liata Ann hospital liata chhôhkha nôpawzy hnochhupa ta chhâzaw râh lâ miah siesai haw. Ano he U Maung Aung nata Daw Aung Ngema zy sawchapaw pakha deipa châ ta, Asho Chin field Kanlet khipa a châ. Chariah vâta arâ pai eita Ann

myo amâ chhaina liata Malaria pasana vâta khizaw rietheina a vaw khôsai haw.

7. Pupa Maung Khaing (Evan Bashwe paw), kô 63, Kanlet khihpa cha chariah vâta Annmyo lâ arâpaipa a châ. Ano he Kanlet liata Awnano hyutuh hmiatuapa ngâchhih kawpa a châ. Ann khih liata a y chhôn ta Pathi chawpa hri vâta Ann Civil Hospital liata Sept. 24, 2020 noh liata a paha haw.
8. Pinô Sihu (Sithla nô), Tisi khihpa cha py pasana vâta Sep 24/2020 noh liata miah a pahasai haw.
9. Pupa Râlo (Vakhaitha paw), kô 50, Sabyh cha sawchapaw pakha nata saw chanô papalih nata chhôhkha siesai-pa ta Sept. 30, 2020 noh liata miah a pahasai haw.
10. Pinô Neihai (Teihra Nô), kô 68, Dawlei khihpa cha chhôn lâta tlâh leina vâta a kyhpachâpa chhôkhazy siesai-pa ta Oct. 5, 2020 ta maniah a pahasai haw.
11. Pu. Bie Aw paw, Taubu khi cha (4.10.2020) noh liata kô apalopa ta taotuhpa Khazohpa lata miah asiesai haw.

### **Covid-19 Avaina liata pahno awpa thokhazy**

1. Ahyrai khitly tita Ochhozihmu pahnokheina châ nata dawhty pahnokheina châ a phao aw a châ. Pahnokheina châ ahnei leipa cha khih liata angia pasaipa châ vei.
2. Hriiah yna râh tawhta a vaw siepa Marasawzy Mara râh na vaw tlô hlâta Matupi liata tlyma, Thatla liata tlyma, Hiakha liata tlyma Quarantine a ngiakhai hâ tua tawhta Mara râh nâ vaw ngia awpa a châ aw. Quarantine a ngiatua leipa ta Mara râh na vaw ngia khih khihpi Quarantine centre lâta paphao pylypa na châ aw.
3. Nochhi nata Notla Mara râh a siepahliena chhao pasiepakao ta vai ngâ chypa a châ.
4. Sawhkhâ tawhta tlyma, MCPC tawhta tlyma, nata Awnanopa tawhta Covid-19 avaina pahnosana zydua pahmei leipata zi thei awpa
5. Khôpua daihti maih hmaopaky (mask) a paky lyma awpa nata o eima vaw di maih ta sâhbaw ta kuti liahsa a si lyma awpa a châ.
6. Covid-19 daihti liata chyhsa a pahmao theipa programme tao a chado awpa a châ.
7. Khih liata thina a y tita, ri kiapazy pachyh theina dâh hawhta pachyh chy awpa.

### The Summary Statement of Mid-Year Audit for 2020-2021

Awnanopa term thiepha eima vaw chaka pata nata khizaw potlana nata a vaw su haw hra sala, Khazohpa cha Awnanopa zipa a chapa hawhta, awnanopa kô khôphie a vaw siena liata awnanopa hropazao ta, awnanopa sôh phahla leipa ta maniah a pazao. Sôh athyupa Awnanopa zawpi hnôhta alyna bie cha hlâ pita, aarylâ hawhta Mid-year Audit Statement eima vaw palâsa.

3/9/2020

INCOME			EXPENDITURE		
No	Income Head	Amounts	Code	Budget Head	Amounts
1	KTS	88328199	M.001	Pay & Allowance	75976569
2	BTS	4950833	M.002	Secretariat Program	6049050
3	RTS 1) BPS	27121770	M.003	Dept Grant	11400000
	2) MTS	42493930	M.004	Office Program	15388550
	3) TAS	270050	M.005	Travelling & Transpot	10544699
4	KNP 1) Target	2970800	M.006A	B/ Property ( ASS )	24605000
	2) House	500100	M.006B	Facilities ( ASS )	10533300
	3) KHD	4849360	M.006C	B/ Property ( Pri )	58122950
5	KTP 1) Target	2854930	M.009	Christian Education	4437100
	2) NPS	1316750	M. 010	Social Concern	1280000
	3) Other	100000	M.011	Relief	52950663
6	KHP	240300	M.012	HRDP	400000
7	SDD	566900	M.013A	Home Mission	6308100
8	PUS	1205000	M.013B	KEA	6000000
9	COME	32635612	M.013C	EMM	79412300
10	Relief 1) General	19485681	M.014	SDD	4534250
	2) HHH	11299500	M.015A	KNP	194600
11	HRDP	11264358	M.015B	KHD	7522000
12	LTC Sunday	4860500	M.016	KTP	1823650
11	Project 1) Hakha Qrs.,	2004800	M. 017	KHP	1319500
	2) Pakao	17201100	M. 019 A	COME	18818500
	3) Bible	1516984	M.020	LTC Sunday	3316300
	4) Mission	5000000	M.022	Miscellanouse	1746778
	5) Computer	2046100		<b>Total Payment</b>	<b>402683859</b>
	6) COVID-19	32752276			
	7) Joint COVID-19	16999982		<b>Closing Balance</b>	150710247
10	Other	2171500			
				Grand Total	<b>553394106</b>
	<b>Income Total</b>	337007315			
	Opening B/L (19-20)	216386791			
	Grand Total	<b>553394106</b>			
					-